

22 Páulô kóng, “Kokūi hūló hiaⁿtī, chhiáⁿ thiaⁿ góa chit chūn beh ūi kakī piānkái ê ōe.”

2 In chit thiaⁿ tiòh Páulô ēng Hibúlái ōe tùi in kóng ōe, tòh koh khah anchēng lóh lâi. Páulô kóng,

3 “Góa sī lúthài lāng, chhutsì tī Kilíkiah ê Tàsòh, tī Êlúsalem siáⁿ tōahàn. Góa tī Gámáliei ê bûnhā háksíp, ū chiapsiū lán chósian giâmkeh ê lúthoat kàsī, koh jiátsim hòksāi SiōngChú, tú chhinchhiūⁿ kin’ájit tī chia ê kokūi kángkhoán. 4 Góa bat pekhāi chunsiú chitê tō ê lāng, sīmchì ká in hāi sí, bôlūn lâmlú góa lóng ká in liáh khí lâi, koh ká in koaiⁿ lóh kaⁿ. 5 Tōachèsi kah choán tiúⁿlò gīhōe ê lāng, lóng ē tàng ūi góa chò chēng. Góa mā bat tùi in thèh tiòh siá hō Tamásukoh lúthài tôngpau ê phoe, jiānāu khì hia, beh liáh sīntō, ká in ah lâi Êlúsalem siū hēnghoát.”

Páulô Kóng Kakī Kui Chú ê Kengkòe

(Ht 9:1~19; 26:12~18)

6 “Tng góa kiáⁿ beh kàu Tamásukoh ê sí, hit sí chhaputto sī tiongtàu, hutjiân ū chin kiông ê kng tùi thiⁿténg chiòsiā tī góa ê sikhōūi. 7 Góa poáh lóhkhì thòkha, thiaⁿ tiòh ū siaⁿ tùi góa kóng, ‘Sàulô, Sàulô, lí ná ē beh pekhāi Góa?’ 8 Góa ìn kóng, ‘Chú ah, Lí sī siáⁿ lāng?’ Ìn góa kóng, ‘Góa tòh sī lí teh pekhāi ê Nachaliát lāng lésu.’ 9 Kah góa chòhóe ê lāng ū khòⁿ tiòh hitê kng, khiok bô thiaⁿ tiòh tùi góa kóng ōe Hit Ūi ê siaⁿ. 10 Góa koh mng kóng, ‘Chú ah, góa tiòh ánchóaⁿ chò?’ Chú ká góa kóng, ‘Khí lâi, jip khì Tamásukoh, tī hia ū lāng ē ká lí kóng Góa beh chíphài lí khì chò ê tāichì.’ 11 Inūi hitê kng chin kiông, góa soah sitbēng, góa ê tângphōaⁿ tòh ká góa khan jip khì Tamásukoh.

12 “Tī hia ū chitê kiòchò Anánia ê lāng, sī chitê

22 保羅講：「各位父老兄弟，請聽我 chit chūn beh 為 kakī 辯解 ê 話。」

2 In 一聽 tiòh 保羅用希伯來話對 in 講話， tòh koh khah 安靜落來。保羅講：

3 「我是猶太人，出世 tī 基利家 ê 大數，tī 耶路撒冷城大漢。我 tī 迦瑪列 ê 門下學習，有接受咱祖先嚴格 ê 律法教示，koh 熱心服事上主， tú 親像今 á 日 tī chia ê 各位全款。 4 我 bat 迫害遵守 chitê 道 ê 人，甚至 ká in 害死，無論男女我 lóng ká in 掠起來，koh ká in 關落監。 5 大祭司 kah 全長老議會 ê 人，lóng ē tàng 為我做證。我 mā bat tùi in thèh tiòh 寫 hō 大馬士革猶太同胞 ê phoe，然後去 hia，beh 掠信徒，ká in 押來耶路撒冷受刑罰。」

保羅講 Kakī 歸主 ê 經過

(徒 9:1~19；26:12~18)

6 「當我行 beh 到大馬士革 ê 時，hit 時差不多是中晝，忽然有真強 ê 光 tùi 天頂照射 tī 我 ê 四籬圍。 7 我跋落去土腳，聽 tiòh 有聲對我講：『掃羅，掃羅，你 ná ē beh 迫害我？』 8 我應講：『主 ah，祢是啥人？』 祂應我講：『我 tòh 是你 teh 迫害 ê 拿撒勒人耶穌。』 9 kah 我做伙 ê 人有看 tiòh hitê 光，卻無聽 tiòh 對我講話 Hit 位 ê 聲。 10 我 koh 問講：『主 ah，我 tiòh án 怎做？』 主 ká 我講：『起來，人去大馬士革，tī hia 有人 ē ká 你講我 beh 指派你去做 ê tāichì。』 11 因為 hitê 光真強，我 soah 失明，我 ê 同伴 tòh ká 我牽入去大馬士革。

12 「Tī hia 有一个叫做亞拿尼亞 ê 人，是一个遵守摩西律法 koh 敬虔 ê 人，真受 tòh tī hia ê

chungsiú Môse lúthoat koh kèngkhiân ê lâng, chin siū tòa tī hia ê lúthài láng chunkèng. 13 I lâi chhōe góa, khiā tī góa ê sinpiⁿ, kóng, 'Sàulô hiaⁿtī, hō lí koh ū khòaⁿkìⁿ.' Góa sūisī giáh thâu, tòh ū khòaⁿkìⁿ i. 14 I kóng, 'Lán chósian ê SiōngChú íkeng kèngsoán lí, hō lí bēngpék I ê chí, mā hō lí khòaⁿkìⁿ hit ūi konggī ê lôpók, koh thiaⁿ tiòh I ê chhui số kóng ê òe. 15 Inūi lí beh tui bānbîn chò kiànchèng, kā lí số khòaⁿ tiòh kah số thiaⁿ tiòh ê, lóng kóng hō bānbîn thiaⁿ. 16 Taⁿ m̄ thang iānchhiân, kóaⁿkín khilài niásiū sélé, kiúkiò I ê miá, lâi séchheng lí ê chōe.'"

Páulô Siū Hōtiàu Khì Tui Gōapang Lâng Thoântō

17 "Āu lâi, góa tríglài Êlúsalem, tng góa tī sèngtiān kító ê sī, ū khòaⁿkìⁿ īsiōng. 18 Góa khòaⁿ tiòh Chú tui góa kóng, 'Lí tiòh kóaⁿkín līkhui Êlúsalem, inūi chit sốchāi ê lâng bô beh chiapláp lí ūi Góa số chò ê kiànchèng.' 19 Góa ìn kóng, 'Chú ah, in lóng chai góa íchēng tī tákê hōetng kā sìn Lí ê lâng koaiⁿ lòh kaⁿ koh kā in áutáⁿ. 20 Lí ê kiànchèng jīn Sutêhoanōh hōi láng sathāi ê sī, góa mā chāitiūⁿ chântōng, koh ūi hiahê sathāi i ê lâng kò saⁿ.' 21 Chú tui góa kóng, 'Lí khì, inūi Góa beh chhe lí khì hñghng ê gōapang láng hia.'"

Páulô kah Lôma Chíhuikoaⁿ

22 Chènglâng chit thiaⁿ tiòh Páulô kóng chit kù òe, tòh tōa siaⁿ hoah kóng, "Kā chitê láng tui tēchiūⁿ tūtiāu, m̄ thang hōi koh oáh lóh khì." 23 Tng kúnchiòng tōa siaⁿ jióng, koh thng in ê gōasaⁿ, ñg khongtiòng iā thōsoa hún ê sī, 24 chíhuikoaⁿ hālēng kā Páulô ah jìpkhì iāⁿpāng, hoanhù pengsū piⁿphah i koh símmñg i, siūⁿ beh chhābēng sī árchóaⁿ lúthài láng ē tui i tōa siaⁿ jióng. 25 In tú beh ēng phōtòda kā i pāk ê sī, Páulô tui khiā tī piⁿ'á ê kunkoaⁿ kóng, "Lín kám thang piⁿphah chitê iáubōe siū phòàⁿ chōe ê Lôma láng?"

猶太人尊敬。 13 伊來 chhōe 我, khiā tī 我 ê 身邊, 講:『掃羅兄弟, hō 你 koh 有看見。』我隨時 giáh 頭, tòh 有看見伊。 14 伊講:『咱祖先 ê 上主已經揀選你, hō 你明白祂 ê 旨意, mā hō 你看見 hit 位公義 ê 奴僕, koh 聽 tiòh 祂 ê 嘴所講 ê 話。 15 因為你 beh 對萬民做見證, kā 你所看 tiòh kah 所聽 tiòh ê, lóng 講 hō 萬民聽。 16 Taⁿ m̄ thang 延 chhiân, 趕緊起來領受洗禮, 求叫祂 ê 名, 來洗清你 ê 罪。』

保羅受呼召去對外邦人傳道

17 「後來, 我 tng 來耶路撒冷, 當我 tī 聖殿祈禱 ê 時, 有看見異象。 18 我看 tiòh 主對我講:『你 tiòh 趕緊離開耶路撒冷, 因為 chit 所在 ê 人無 beh 接納你為我所做 ê 見證。』 19 我應講:『主 ah, in lóng 知我以前 tī ták 個會堂 kā 信祚 ê 人關落監 koh kā in 毆打。 20 祚 ê 見證人司提反 hō 人殺害 ê 時, 我 mā 在場贊同, koh 為 hiahê 殺害伊 ê 人顧衫。』 21 主對我講:『你去, 因為我 beh 差你去遠遠 ê 外邦人 hia。』

保羅 kah 羅馬指揮官

22 眾人一聽 tiòh 保羅講 chit 句話, tòh 大聲 hoah 講:「Kā chitê 人 tui 地 chiūⁿ 除掉, m̄ thang hōi koh 活落去。」 23 當群眾大聲嚷, koh thng in ê 外衫, ñg 空中掖土沙粉 ê 時, 24 指揮官下令 kā 保羅押入去營房, 吩咐兵士鞭 phah 伊 koh 審問伊, 想 beh 查明是 án 怎猶太人 ē 對伊大聲嚷。 25 In tú beh 用皮帶 kā 伊縛 ê 時, 保羅對 khiā tī 邊 á ê 軍官講:「Lín kám thang 鞭 phah 一個 iáu 未受判罪 ê 羅馬人?」

26 Hitê kunkoaⁿ chít thiaⁿ tiòh áne, tòh khi kìⁿ chíhuikoaⁿ, kóng, “Taⁿ lí phahsng beh árchóaⁿ chhúlí? Inūi chitê lāng sī Lô má kongbîn!”

27 Chíhuikoaⁿ lâi kìⁿ Páulô, mng i kóng, “Kā góa kóng, lí kám sī Lô má kongbîn?” Páulô kóng, “Sī.”

28 Chíhuikoaⁿ ìn kóng, “Góa ēng chin chē chîⁿgîn chiah bé tiòh Lô má kongbînkoân.” Páulô kóng, “Góa khiok chhutsì tòh sī Lô má kongbîn.”

29 Hiahê beh símmng Páulô ê lāng tòh sūisî līkhui. Chíhuikoaⁿ chitê chai Páulô sī Lô má kongbîn, koh inūi khúnpák kòe i, tòh huisiông kiaⁿhiáⁿ.

Páulô tī Gīhōe hông Símmng

30 Kehtng kang, chíhuikoaⁿ ài beh chai Páulô hō lūthài lāng khòngkò ê sitchēng, tòh kā i tháu khui, koh bēnglēng hiahê chèsitiúⁿ kah choân gīhōe ê lāng chūchíp, jiānāu chhōa Páulô chhut lâi, hō i khiā tī in ê bīnchēng.

26 Hitê 軍官一聽 tiòh áne, tòh 去見指揮官, 講:「Taⁿ 你 phah 算 beh án 怎處理? 因為 chitê 人是羅馬公民!」

27 指揮官來見保羅, 問伊講:「Kā 我講, 你 kám 是羅馬公民?」保羅講:「是。」

28 指揮官應講:「我用真 chē 錢銀 chiah 買 tiòh 羅馬公民權。」保羅講:「我卻出世 tòh 是羅馬公民。」

29 Hiahê beh 審問保羅 ê 人 tòh 隨時離開。指揮官一下知保羅是羅馬公民, koh 因為纏縛過伊, tòh 非常驚惶。

保羅 tī 議會 hông 審問

30 隔 tng 工, 指揮官 ài beh 知保羅 hō 猶太人控告 ê 實情, tòh kā 伊 tháu 開, koh 命令 hiahê 祭司長 kah 全議會 ê 人聚集, 然後 chhōa 保羅出來, hō 伊 khiā tī in ê 面前。